



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Jvlii Fatii// Societatis Iesv// Liber// De
Morti-//ficatione No-//strarvm Passionvm,// Pravorvmqve
Affe-//ctvvm**

Fazio, Giulio

[S.l.], 1599

XVI. De indifferentia circa exercitia & ministeria in ipsa Religione.

[urn:nbn:de:hbz:466:1-48673](https://nbn-resolving.org/urn:nbn:de:hbz:466:1-48673)

CAPVT XVI.

De Indifferentia circa exercitia, & Ministeria Religionis.

NDIFFERENS præterea esse debet Dei seruus circa omnia Religionis exercitia ac ministeria, eaq; acceptare & exercere magna animi promptitudine & alacritate, quæ sibi fuerint iniuncta, non lucrum vllum aut proprium gustum, sed solùm Dei seruitium, bonumq; commune spectando aut quærendo, memor dicti S. Basilij, cùm ait: *Quidquid quisq; ex propria voluntatis arbitrio facit, id cùm facientis proprium sit, alienum est à cultu pietatis.* Et alio loco: *Amantem sui ipsius se esse quis agnoscet, si qua facit, commodi sui causa facit, licet quod fiat, ex mandato sit.*

S. Basil.
Reg. bre-
uior. 138.

Idem Re-
gul. bre-
uior. 54.

Quapropter quanto minus de nostro in electione ministeriorum & exercitiorum, quæ nobis man-

dantur, interuenit; tanto plus apud Deum nostrū meriti consequemur, eiusque communitatis, in qua uiuimus, administrationem reddemus faciliorem. Nihil est enim quod tam superiorem in rerum administratione molestet, subditosque perturbet, & inquietudinis damniq; spiritualis occasionem suppeditet, quam si religiosus pertinaciter illa ministeria affectet, ad quæ non est aptus: aut recuset, vel inuitus suscipiat ea, quæ tanquam sibi magis conuenientia & consentanea à superioribus imponuntur.

Pro hac re tanti ponderis confirmanda, nescio, quodnam evidentius argumentum adduci possit, ipsamet experientiâ grauissimorum damnorum inde quotidie emergentium; & eo, quod D. Basilius, huius rei experientissimus, diuersis in locis indicat. Interrogatus enim quomorbo laboret ille, & an tolerandus sit, qui quotidiana exercitia sibi à
 supe-

D. Basil.
 Reg. bre-
 uior, 117.

sup
 cusa
 ius
 ipsi
 I
 mi
 fig
 lare
 obe
 bea
 cusa
 pri
 &
 ab
 viu
 Et
 po
 SS
 qu
 no
 q
 H

superioribus imposta, exercere recusat, his verbis respondit: *Qui huiusmodi est, is & contumax, & sibi met-
ipso placens, & infidelis est.*

Interrogatus item, an Religioso ministerium sibi à superioribus assignatum recusare, atq; aliud postulare licitum sit; ita respondit: *Cum obedientia vsque ad mortem seruari debeat, qui, quod sibi assignatum est, recusat, & aliud ab eo diuersum exquirat, primum hinc omnino obedientiam violat, & aperte declarat, nequaquam se ipsum abnegasse, tum etiam aliorum complurium malorum cum sibi, tum alius auctor existit.*

Huic S. Basilij sententiæ adiungi potest illud Cassiani, quod refert de SS. Patribus religiosis Scithi: *Inter quos, inquit, nunquam peculiare opus, non dicam affectu, sed nec cogitatione quidem ab aliquo penitus affectabatur. Hinc manifestè colligitur, quanti*

Cassian.
lib. 4. In-
stit. c. 14.

semper habita fuerit apud antiquos
 Patres, hæc sancta Indifferentia, &
 quàm procul absint, quamq; parum
 obligationi suæ professionis satisfa-
 ciant illi, qui in electione exercitio-
 rum non se superiorum, vt deces-
 voluntati accommodant, sed illam
 quasi vi quadam in suam trahunt
 voluntatem, contra omnem ratio-
 nem ac regulam boni regiminis.
 Quoniam autem eorum auctoritatem
 quos pro nostra sententia adduxi-
 mus, tanta est auctoritas, vt absque
 aliis rationibus cuius prudenti, ac-
 que à contumacia alieno satis per-
 suadere possit huius indifferentia
 præstantiam, vt eam toto cordis af-
 fectu amplectatur; in illa pluri-
 bus commendanda diu-
 tius hîc non immo-
 rabor.

